

بسم الله الرحمن الرحيم

الحمد لله رب العالمين والصلاة والسلام على اشرف المرسلين سيدنا محمد وعلى اله وصحبه وسلم ثم اما بعد :-

قال تعالى {إِلَيْهِ يَصْعَدُ الْكَلِمُ الطَّيِّبُ وَالْعَمَلُ الصَّالِحُ يَرْفَعُهُ}

فما هذا إلا جهد مقل ولاندعي فيه الكمال ولكن عذرنا ان بذلنا فيه قصارى جهدنا فان اصبنا فذاك مرادنا وان أخطأنا فلنا شرف المحاولة والتعلم

ولا نزيد على ما قال عماد الاصفهاني:

رايت انه لا يكتب انسان كتابا في يومه إلا قال في غده لو غير هذا لكان احسن ولو زيد كذا لكان يستحسن

ولو قدم هذا لكان افضل ولو ترك هذا لكان اجمل وهذا من اعظم العبر وهو دليل على استيلاء النقص على جملة البشر..

هذا العمل هو تفريغ كتابي للدكتور شريف الهواري من محاضرات ٢٠١٦ بالازهر ...

وقد اشترك بهذا العمل مجموعه من طلاب طب الازهر دفعه ٢٠١٧ (من بركة العلم و شكره عزوه إلى قائله)

...

وقد اجتهدنا قدر المستطاع على ان يكون النص المكتوب مطابقا للتسجيلات الواردة ...

وقد اقتطعنا في تفريغائنا الكلام الخارج عن نص المنهج (كفقره الاسئله وما شابه)

سائلين المولى عزوجل ان يجعل هذ العمل خالصا لوجهه الكريم .

هنبتدى ان شاء الله النهارده ال blood المره اللى فاتت اخر حاجه أخذناها فى ال chest هى ال Bronchogenic carcinoma وبعدين فى نفس الكتاب اللى فيه ال chest فيه ال blood . خلى بالك هنعمل introduction الأول عن ال blood وبعدين نص الحصه الأولانى فيه أرقام هنحفظها وهنتكلم فيها وبعدين ننوصل للى احنا عاوزينه .

- هندرس فى ال blood النهارده ان شاء الله الاتى : الدم فيه ايه (Blood cells& plasma)
- هندرس فى (RBC, WBC, Platelets) Blood cells أمراض ال RBC,WBCs, Platelets
- ال Plasma (fluid) فيه حاجات كتير (Enzymes, Fats, Proteins)

هندرس منهم ان شاء الله :-

- Coagulation factors :- يعنى نعرف اذا كان فى مشكله فى ال coagulation يبقى العيان بينزف

VISIT...

LANZAROTE
Caliente.COM

وبعدين مع دول هندرس ال Lymph node, Spleen, Bone marrow

ال Bone marrow هو المصنع وال Lymph node وال spleen بييساعدوا ال BM

واحد يقول لى طب ليه مش ال liver؟ طب ماهو ال liver بييساعد ال BM

فى كتاب ال liver مش هنا ال liver ليه كتاب . اللى هو Liver & GIT فاحنا عندنا امراض ال BM, lymph node, Spleen, coagulation factors. هنبدى النهارده بمقدمه وبعد المقدمه هنقول جزء ال RBCs أمراض ال RBCs طبعا انت عارف لما ال RBCs تقل تبقى anemia ولما تزيد تبقى عكس ال anemia هنقول (polycythemia)، بس ليها نظام .

علشان نتكلم نقول **مين الى بيصنع ال cells دى؟ ال BM**

ال BM موجود فين؟ دا **spongy material** موجود فى العظم .

أى عظم؟! خط النص موجود فى خط النص،

Skull -- Sternum -- Ribs -- Vertebrae ويمكن يبقى موجود فى ال **Long bone** فى ال **Proximal end of long bone** بس هو موجود فى ال **BM** وفى بعض العيانيين بنحتاج ناخذ عينه من ال **Bone marrow** علشان تشخص مرض ال **BM**

هناخد فى الكتاب مجموعه امراض فيها ال investigation ←

Bone marrow biopsy & Bone marrow aspiration

ب examine ال BM ال BM هو المصنع وبينتج أول cell اللى اسمها stem cell دى تشاور عليها وتقول دى ال mother cell الخليه الأم اللى هيا بعد كده ليها وظيفتين اتنين لازم يكون ليها وظيفتين . طبعا انتوا سمعتوا كويس أوى عن الموضه اللى ماشيه فى العالم كله **stem cell transplantation** وكذا وكذا مش موضوعنا دلوقتى . موضوعى ان ال stem cell دى هنا ليها وظيفتين فى ال BM (Maturation & Proliferation) ايه الفرق بينهم؟ **Maturation** اسمها باين يعنى بتحوال ال cell دى من **immature** ل **mature** طبعا .

طب ايه ال stem cell دى؟

دى موجوده فى ال BM وبتكون **very very very immature** هستنوى .. يعنى هستنوى بالبلدى فلما تستوى بقى تبقى ايه؟ تبقى **mature** ايه؟! (RBC, WBC, Platelets) طب ولما يستوا ينزلوا فى الدم .

يبقى المصنع اللى هو ال BM مش هيسمح لل cells دى اللى بتتصنع فيه تنزل الدم الا لما تستوى وتبقى **Mature** .

كان المصنع دا لو فتحته كده وبصيت فيه تلاقى كمصنع فى كام خط انتاج؟ تلاته .

• دى اسمها **Erythropoiesis** ← تصنيع ال **erythro** اللى هيا ال **RBCs**

• وتصنيع ال **WBCs** اسمها ← **granulocytopoiesis**

• وتصنيع ال platelets اسمها ← *Thrombocytopoiesis*

دا معناه ان ال cell بتستوى لواحد من الثلاثه دول طب انها تستوى دا جوه ال BM بتعدى على كام مرحله ؟ مليون أنا معرفش أساميهم، أعرف بعض الاسامي مش كله يعنى، كله دى قصه وعاوزه دكتور blood فى الدكتوراه الى هي ال stages بتاع كل خطوه . عويصه جدا لكن عليك تعرف بعضهم من عند مابتدى من ال Mother cell لحد ماوصل ل mature RBCs او WBCs او Platelets.

طب فى ال Maturation ده محتاج انت برضه بعض العناصر تساعدك يعنى مثلا for example :

- فى تصنيع ال RBCs انت محتاج هرمون اسمه *Erythropoietin*
- فى تصنيع ال WBCs فى حاجه اسمها *GCSF* قلناها المره اللى فاتت
- فى تصنيع ال Platelets ال *Thrombopoietin* كويس !

بيشغل المصنع . stimulating factor..

دى ال Maturation . طب فى سؤال ال cell دى بقت RBC او WBC او platelet ال cells الثلاثه دول برايك يعنى، معلومات عامه يعنى ال RBCs دى لو اتخلقت ونزلت الدم هتعيش طول عمرها ؟ يعنى هتفضل طول العمر موجوده ؟ طبعا لا

ليها Life span ولا ايه ؟

العمر بتاع ال RBC حوالى ١٢٠ مش يعنى ١٢٠ لما تتم بالتانيه تعديلها *stop watch* كده كفايه لغايه ماتموت . لا طبعا ... يزيدي ويقل حوالين رقم ال ١٢٠ يوم .

أما ال platelet كام ؟

حوالى ٧ ايام .

طب دول لو مانوا تجيب غيرهم ازاي ؟

ب دى ← *proliferation* يعنى التكاثر *Multiplication* عشان تعوض وتجيب غيرهم .

فقالوا ان ال *Blood cells* هي *Fastest proliferating cells* هي أسرع *cells* بتعوض لما تموت تيجي غيرها .

طبعا احنا عندنا *cells* كثير فى الجسم لما تموت بيجي غيرها اللى هي *Regeneration* أسرع *cells* هيا بتتعوض هي ال *cells* بتاعه ال BM بتاع ال Blood سريعه جدا، *Proliferating* جدا طب انت لو بوظت دى او دى . يبقى العيان يجيله *anemia* ولا لا ؟! طبعا .

يبقى ال *anemia* ممكن تحصل (انا بتكلم عن ال RBCs النهارده) ال RBCs تنقص لو فى عطله فى ال maturation أو عطله فى ال proliferation هيجي *anemia* فلما تيجي ان شاء الله لدرس ال *anemia* هتعرف ان ال *anemia* بتحصل نتيجة نقص *maturation* او نقص *proliferation* او الاثنين .

طبيب في قاعده تانيه بتقول انه انت ماشى منين لفين ؟ من ال *immature* لل *mature* دى اسمها *Blast* اللى هيا (*immature*) ودى اسمها (*cyte*) اللى هيا (*mature*) يعنى مثلا لو كنت بتتكلم عن الخط الاحمر، اسمه *erythro* يبقى دا اسمها *erythroblast* طب ولما تنزل فى الدم يبقى اسمها *erythrocyte*

أولا ال *immature cell* دى مكانها فين ؟ فى ال *BM* ودى مكانها فى ال *Blood* لأن ال *BM* مابيدلوش فى ال *circulation* أى *cell* الا لما تستوى .

بالمناسبه .. ال *erythrocyte* دى اللى شكلها عامل المنظر ده *Biconcave* ليها *nucleus* ولا لا؟
ملهاش .

الخلاصه ان كلمه *cyte & blast* دى هتفرق فرق السما من الارض لما تروح ان شاء الله على درس ال *leukemia* لأن فى *leukemia*. لأن فى لوكيميا نتيجة تحول سرطاني فى دى اسمها *blastic leukemia* وفى واحده سكه *cyte* تيجى فى دى .

مين فى الاتنين دول اكبر حجما ... ال *Mature* ولا ال *immature* ؟ !

انت وانت ماشى من اتجاه ال *immature* لل *mature* كده حجم ال *cell* عمال يصغر، لو كنت بتتكلم عن *RBCs* دى اسمها (*fully mature*) فى خطوه قبلها ع طول اسمها *reticulocyte* (خلايا شبكيه) .. ال *reticulocyte* دى هى المرحله اللى قبل ال *erythrocyte* على طول .

طب هو ال *peripheral blood* بتاعنا تلاقى فيه *erythrocyte* ولا *reticulocyte* ؟

تلاقى فيه ال *mature* طب وال *mature* هو مين ← *erythrocyte* . لكن مافيش مانع ان ال *BM* وهو بيدلؤ كميه مرعبه من ال *erythrocyte* فى الدم بتتخلط فيه شويه *immature* طب واللى اترحلوا دول *normally* رأيك يعنى بيتقوا كتير ؟ ← خالص قليلين جدا ← ١% .. متزعش لولقيت فى انسان طبيعى فى صورته الدم ١% *reticulocyte* حوالى ١ هو الصبح اوى من 0.5 الى 1.5% ينزل شويه *reticulocyte* كويس !

وظيفه ال *RBCs* ايه ؟

Carrying oxygen

هيا ال *RBCs* فيها شيال للاكسجين ؟

Hemoglobin أيوه ال

ايه كمان بتعمله ال *RBCs* غير انها بتشيل الاكسجين ؟ فى وظيفه كمان ؟

لا بس دى وظيفتها بس .

طب وال *platelet* وظيفتها اى ؟

يمنع النزيف بس .. طب وهيمنع النزيف لوحده ؟ لا بمساعدته ، ملناش دعوه بيها هنخدها فى درس كبير بس ال *platelet* عضو اساسى فى منع النزيف .

طبيب ال *WBCs* ؟

كلمه واحده ← *Immunity* ضد *Infection* ولا *cancer* ! الاتنين، أى حاجه *immunity* على العموم بمعناها الشامل .

الحمد لله رب العالمين ربنا سبحانه وتعالى خلقك cells 3 في منتهى الدقة كل واحدة فيها ليها وظيفة RBCs & WBCs & platelets .
 اللي هندرسه النهاردة اعتبره فهرس للي هناخد الحصاص الجاية إن شاء الله بس هي مهمة عشان بنبتدي بيها .
 هنبتدي بحاجة اسمها أرقام .. اللي في الكتاب ودي normal blood values . للأسف المفروض يتحفظوا زي اسمك بالظبط ، ليه ؟
 لأن في إمتحان الـ clinical pathology بينزلك report أو يسأل oral المهم لازم تحفظ الرقم الـ normal عشان تعرف الـ abnormal ففيه شوية أرقام هنحفظها بس لازم نفهم حاجة ..

1. RED CELL COUNT:

الـ RBCs في حاجة اسمها CBC (Complete Blood Count)

عد الـ RBCs تطلع حوالين رقم $5 \text{ million} / \text{mm}^3$

في الـ male شوية أكثر من الـ female عشان في سبب في الـ male يخليه أكثر وفي سبب في الـ female يخليه أقل ..

اللي هو مفهوم طبياً الـ menstruation فيتفقد دم ، وفي الـ male عنده الـ androgens اللي هو very potent stimulant للـ Bone Marrow .

يبقى خلّ بالك الـ RBCs زائدة في الـ male عن الـ female عدداً . بيدور حوالين $5 \text{ million} / \text{mm}^3$ بالتقريب .

لو نقص تبقى Anemia ولو زاد يبقى polycythemia دا أول حاجة .

2. PACKED CELL VOLUME أو HEAMATOCRIT :

طبعاً أنت سمعت الكلام دا من الفسيولوجي . هتجيب أنبوبة وتسحب ١٠٠ سم دم من العيان 100 cc = 100 ml وتحطهم في أنبوبة اختبار (خلّ بالك ملكش دعوة بالكتاب عشان الختة دي هنبني عليها إن شاء الله)

المهم حطينا الـ 100 cc من الـ Blood في الأنبوبة .. هما الـ 100 cc دول كلهم cells ولا فيه plasma ! في plasma لكن الـ cells أثقل من الـ fluid فيحصل ترسب للـ cells وطبعاً الغالبية العظمى 99% منها RBCs .

طبعاً في الإمتحان مفيش حاجة اسمها رقم .. فيه حاجة اسمها Range

بالتقريب كذا الـ RBCs حوالي 45% والبلازما 55% من الـ 100 cc blood .

RBCs volume في كل 100cc blood حوالي 45% ده اسمه packed cell volume أو Hematocrit إيه الـ definition بتاعه:

هو حجم الـ RBCs في 100cc blood يعني لو جيت الـ 100cc blood الـ RBCs تحتل 45 % volume يعني حجم .. يعني 45cc اللي هو 45 c^3 .

احنا هنا بنقارن الـ RBCs بالبلازما مش واخدين بيها absolute figure يبقى لو لقيت الـ RBCs volume اللي هو حوالي 45 % زاد (polycythemia) أو نقص (Anemia) بس كذا !! لا ، ليبييه !

لأن فيه عنصر ثاني ..

- بمعنى لو **RBCs** نقصت ممكن تكون هي نقصت أو المايه (الـ **plasma** يعني) هي اللي زادت ، المايه زادت يعني **volume** زيادة يعني **Hypervolemia** .
- طب ولو **polycythemia** يعني الـ **ratio** ده زاد (**>45%**) يبقى إما هو زاد فعلاً أو المايه (الـ **plasma** يعني) نقصت، يعني **Dehydration** .

ده الـ **volume** بتاع الـ **RBCs** وده من ضمن الـ **factors** اللي بتـ **define** الـ **Anemia**

يعني لما يقولك الـ **Definition** بتاع الـ **Anemia** تقوله : عدد الـ **RBCs** قل عن ٥ مليون وحجم الـ **RBCs** قل ، اللي هو **Hematocrit** .

3. HEMOGLOBIN TEST :

إنت عارف ! يقولوا عليها **Hb concentration** أو **Hemoglobin test** حوالين رقم **15 gm %** في الـ **female** أقل من الـ **male** بنفس الفكرة .

إيه الـ 15 gm % دول ؟ يعني لو طلبت Hb test من المعمل وقالك النتيجة 15 gm % إيه دول ؟! بعبروا عن اييه ؟

أنا فهمت إن الـ **45%** ده **ratio** والعدد **5 mil** بَعْدُ .. لكن الـ **Hb test** النتيجة **15 gm %** إيه ده إيبعبير عن اييه الـ **15 gm %** دول. إنت بتسمع العيان تعرفه عنده **Anemia** .. سمعت عن واحد الهيموجلوبين بتاعه **٧** أو **٨** أو **٩** أو **١٠** . إيه الأرقام دي !!

هي تركيز الـ **Hb** .. الـ **Hb** مليش دعوة بالـ **RBCs** ، تركيز الـ **Hb** في الـ **100cc blood** دول .. بصرف النظر عن الـ **volume** ده كام . بتاع مين الـ **volume** بتاع الـ **RBCs** .

لو جيت قلت كذا بالمنظر ده : النتيجة هنا بتاعت **Hematocrit** إيه **45%** ده **normal** ، والـ **Hb** يساوي **15 gm %** ، يعني تركيز الـ **Hb** في الـ **100cc blood** دول طلع **١٥** بصرف النظر عن الـ **volume** وده **normal** .. يبقى فيه هنا سؤال !!

إذا الـ **15 gm %** موجودين في **100cc** وانت عارف إن الـ **100cc** فيهم **45%** الـ **volume** بتاع الـ **RBCs** .. يبقى السؤال : قد اييه الـ **Hb** في الـ **RBC** الواحده ؟!!

وخلّ بالك من الكلام : الـ 15 gm % دول في 45cc من الـ RBCs ... يبقى قد إيه الـ Hb في الخلية الواحدة ؟!

- وأنا ليه أعرف !! ليها فكرة (فائدة يعني) هقولها بعد شوية .
- ثاني حاجة .. تجبها ازاي !! دي اسمها **MCHC** .

4. RED CELL INDICES:

أجل **MCV** وبص على الـ **MCHC** ، ودي اختصار لايه ؟!

a. Mean Corpuscular Hb Concentration

طبعاً cell زي Corpuscular

• أول سؤال : أجيبه ازاي ؟ ثاني سؤال : فائدته ايه ؟ !

أجيبه ازاي ! كالاتي : إنت تحسبها كذا : **MCHC** بالـ **simple division** بتاع المدرسة :

$$MCHC = \frac{Hb \text{ concentration}}{volume} = \frac{15}{45\%} = \frac{15}{45 \div 100} = \frac{15 \times 100}{45}$$

$$MCHC = \frac{15 \times 100}{45} \text{ يعني دي بديهيات}$$

كدا بالمنظر ده معناها **MCHC = 33.3333.....**

يعني **average** من 30 إلى 35 وده **normal**

• السؤال الثاني : فائدته ايه ؟ !

أقولك .. فائدته إنه بيعبر عن تركيز الـ **Hb** في الـ **cell** الواحد . طب هو الـ **Hb** ده لونه أحمر يعني بيصبع الـ **RBCs** أحمر . لو كان من ٣٠ لـ ٣٥ يبقى الصبغة **normal** ولا لأ ! **normal** ، يبقى لون الـ **RBC** ← **normal** ، طب لو أقل من ٣٥ تبقى صبغة ناقصة ولا لأ ! ناقصة ، يبقى لون الـ **RBC** فاتح .. طب لو أكثر من ٣٥ يبقى لونها غامق .

واتسمت كذا : الصبغة ← chromia

Normal >>> normo-chromic

صبغة ناقصة >>> Hypochromic

صبغة زائدة >>> Hyperchromic

طب وليه الغلبه دي !

أكيد ليها فائدة ، الفائدة كالاتي : لو انت قولتلي الـ ٣ أرقام اللي في الأول (وركز معايا كويس أوي) قلتلي الـ **Hb** أقل من 15 ، والـ **Hematocrit** ناقص عن 45% ، والـ **RBCs** أقل من 15 mil .. دي **Anemia** ؟! طب انت كذا شخصت ! لا طبعاً .

كام احتمال ؟

مليونين بالضبط .. الـ **Anemia** ليها مليون سبب .. إنت هتقعد تنوه في وسط مليون حاجة ☹️ ابقي قابلني لو شخصت .. ولا الهوا ☹️

طب علشان أوصل عاوز الـ D.D .. عايز تقلله لأقل قدر ممكن .

دخل الـ **MCHC** .. لو الـ **MCHC** طلعت ناقصة المليون سبب دول يقللوا لـ "4" مفيش غير ٤ أمراض يعملوا نقص في الـ **MCHC** .

عارف يعني ايه صبغة ناقصة ! عدد **RBCs** قليل بس اللون فاتح . ٤ أسباب للـ **Hypochromic** مفيش غيرهم ، وعلى رأسهم **Iron Deficiency Anemia** يبقى ده بيساعد .

أدي أول **index** : الـ **index** ده اسم مؤشر لإيه !! مؤشر اللون (الصبغة)

بتقدر انت تعرف هما كلهم Anemia ، مش كدا ؟ لكن اللون بيكون فاتح أو normal أو غامق بيقللك الـ D.D .

b. Mean cell volume:

دا مؤشر بتاع الحجم (حجم الـ RBCs)

حجم الـ RBCs حوالي رقم من $80 \mu\text{m}^3$ – $100 \mu\text{m}^3$ (μ^3 Cubic micron)

طبعاً حجم يبقى بتقيس الـ volume، طب أي حاجة volume بتتقاس cubed فتتقاس μm^3 (μ^3) وهو معادل الـ femto liter بتاع د. زويل ، هو $\mu^3 = \text{femtoliter}$.. فتقوته من فتقوته، حاجة قليلة جداً .

كام حجم الـ RBC؟

• Normally من 80 – 100 femto الـ average

• قل عن 80 يبقى حجم صغير

• زاد عن 100 يبقى حجم كبير

وسواء الحجم صغير ولا كبير أو Normal العيان عنده anemia يعني عدد الـ RBCs قليل والـ Hb قليل والـ Packed RBCs Volume قليل ، لكن لما تقيس الحجم بتاع الـ RBC الواحدة تطلع normal أو High أو low .

لكن لو عملت الـ ٣ الي في الأول وطلعوا الـ ٣ ناقصين يبقى Anemia لكن لو دخلت معاها Index ثاني يعني حجم زايد يعني MCV زايد هيبقى الـ Diagnosis واحد الي هو الـ Megaloblastic anemia .

يبقى الـ Index يساعد يبقى فيه مؤشر للون ومؤشر للحجم دورهم يقربوك جدا من التشخيص .

بس بردو في نقطة : ما انت لو وصلت انها Megaloblastic anemia هتبقى تعرف هي نقص Vit B12 ولا Folate

سهلة بقى ، قربت أوي من الـ Diagnosis .

5. RETICULOCYTE COUNT:

كمان فيه Index اسمه الـ Reticulocyte = الـ count بتاعه عبارة عن ان انت بتعد الـ retics في الـ blood

قالوا الآتي :

Normally المنظر كده دي RBC طبيعية Mature اسمها Erythrocyte ودي الـ Reticulocyte الـ Ratio بينهم 1 : 99

يعني الـ Normally في الإنسان الطبيعي في Retics ؟ أيووا

أهم حاجة في امتحان الأورال لما ياخذك يمين شمال الكلينيكال باثولوجي يقولك أسباب زيادة الـ Retics ؟

كلمة واحدة بس في الـ Retics دي Immature cells وبالعقل كده احنا عارفين إن الـ BM مبيحبش ينزل Immature cells ولو اضطر ينزل immature cells ، يبقى الـ BM شغال زيادة ولا شغال ناقص ؟

شغال زيادة، إذا ينزل cells مستوتش لسه يبقى ينزل cells مستعجل ولا بطيء ؟ مستعجل
طبعاً = Hyper active bone marrow

فمعنى وجود الـ cells دي بزيادة إن الـ B.M. نشيط أوي (؛ أسباب):

- Hemolysis = علشان يعوض
- Hemorrhage = علشان يعوض
- BM Recovery from suppression: يعني كان عيان وخف علشان يعوض
- أو Anemia under TTT يعني لو عيان anemic واديته علاج الـ B.M. يشتغل علشان يعوض .

(الأربع أسباب دول لازم تحفظهم زي اسمك ومعناهم كلمة واحدة Bone marrow نشيط = Hyper active BM)

مغيش غير مرض واحد في الكفة دي (إن Retics دايمًا ناقصة) Bone marrow = مش شغال =
Aplastic anemia = failure يعني فشل الـ BM ⊗

خلي بالك ده index هيساعد ولازم تحضر الأسباب دي علشان امتحان الـ Oral.

هيسألك في الامتحان في مرض ثاني يخلي الـ Retics ناقصة ؟ قوله لأ مغيش هو aplastic anemia بس = الـ B.M. مش شغال .

*فيه في الكتاب Diameter اشطبه مبنعتمدش على الـ Diameter .

ليه مبنعتمدش على الـ Diameter ؟

لأنك اعتمدت على الـ volume وهو أهم من الـ Diameter .

6. RED CELL MORPHOLOGY:

في بقى شكل الـ Cells يمكن يساعدك ..

الشكل ده بيتشاف ازاي ؟

تحت الميكروسكوب .

• Piokilocytosis:

في كلمة very very very un important مش مهمة يعني اسمها piokilocytosis يعني تلاقي أشكال مختلفة ودي non specific انساها خالص ملهاش قيمة .

• Spherocyte:

لكن انت لو لقيت العيان Anemic ولقيت الشكل ده بدل ما الـ Cell شكلها كده لقيت شكلها كده خدتها في الأطفال = الـ spherocyte بس ده ميشخصش الـ spherocytosis الشكل ده حاولوا تتخيلوه موجود في الـ spherocytosis بس مش هو ده أهم Investigation

أهم Investigation هناخذها في الأطفال للـ spherocyte هي Osmotic fragility test مش الشكل ده ،امال الشكل ده يعمل ايه ؟ يساعد .

- Sickle cells:

لو لقيت الشكل كده برضه " حاولو تتخيلوا " الـ sickle cells مش ده الي يشخص، اللي يشخص أهم حاجة الـ Hb Electrophoresis علشان يبين الـ Hb غريب جدا وبدل HbA تلاقي عند العيال HbS .

- Target cell:

لو لقيت بدل المنظر ده المنظر ده ، ده ايه ؟ دي Target cell يبقى المريض thalassemia مش هو ده الي يشخص أهم حاجة في الـ Thalassemia هي الـ Hb Electrophoresis يبين HbF .

- Schestocytes:

بدل ما تلاقي المناظر دي تلاقي منظر ملوش شكل محدد RBCs متهربة اسمها fragmented RBCs ده عيان RBC بتاعته اتدغدت اتكسرت mechanically زي الـ Prosthetic valve في الـ M.S. يعدي على valve صناعي يتجرح، اسمها ايه ؟ schestocytes .

- Tear drop:

لو لقيت بدل المنظر ده cell عاملة كده فهي دمعة العيان tear drop ده مرض أجله .. تليف في الـ B.M. ازاي ؟ أجله اتشرح في مكان الـ tear drops = idiopathic myelofibrosis (fibrosis في الـ B.M.) أجله .

- Howell Jolly bodies:

في حاجة اسمها Howell Jolly bodies ودي انت بتشوف تحت الميكروسكوب nuclear remnants of RBCs يعني بقايا nucleus .

طب هي الـ RBCs فيها Nucleus؟!!

لا . طب ازاي يبقى فيه بقايا nucleus؟ بص بقي بقايا الـ nucleus دي بتاعه الـ RBCs اللي لسا في الـ BM طب ماهو الـ BM مش مفروض ينزل في الـ peripheral blood خلايا immature الا في بعض الأمراض الا اذا كان مرض تلاقي cells ← immature طب ماهيقي فيه nucleus .

نزلت الدم غصب عن الـ BM ده مرض طب لو نزلت غصب عن الـ BM مين هيتصدى ليها ؟ الـ Spleen يقوم يكسرها الا لو مكانش في spleen تبان عندك الـ nucleus دي .

يبقى الـ nuclei دي بتعيش كان المفروض الـ spleen يكسرها لكن مالتش spleen يكسرها
مرض اسمه ← Hyposplenism نقص في كفاءه الـ spleen بين Howell Jolly bodies دي لأن كان
المفروض الـ spleen هو اللي يكسر الـ Nuclear remenants دي لأنه بيقتل اي حاجه في الـ spleen طبعا .

الحاجات دي كلها مش مهمه بتساعد بس امال الأمراض المكتوبه هنا تحت عنوان morphology كل واحد فيهم ليه investigation أهم من دي زي ماقلتك دي بعملها Hb electrophoresis ودي بعملها osmotic fragility وكده لكن ده يساعد .

اللي اتكلمت عليه في الـ RBCs شويه ارقام لازم تتحفظ .

تعالى نشوف ال WBCs عددهم كام؟

معلومات عامه جدا ، مش بالملايين ابدأ لكن بالالاف ٤٠٠٠ _ ١١٠٠٠ ، يقل عن كده *Leukopenia* يزيد عن كده *Leukocytosis* بس مش كفايه تحفظ ده ، لازم تحفظ *differential*.

احنا عندنا كام نوع من ال WBCs ؟

Neutrophil ♣ ← 50-70% من ال total

Eosinophil ♣ ← 2-5%

Basophil ♣ ← 0-1 %

Lymphocytes ♣ ← 20-40%

Monocytes ♣ ← 2-8 %

بس فى حاجه ! ليه مهم اعرف ال DD ؟ اللى هو النوع ايه وكل واحد بنسبه كام ليه ؟

لأن فى امراض تزود وتنقص كل نوع من دول مثلا لو كنت بكلمك عن ال *eosinophil* زايده اشهر حاجه تزود ال *eosinophil* ال *parasite, allergy* كويس .. اجلها لحظه .

لكن اضرب بعينك كده عن ال neutrophils فى نوعين فى ال neutrophils ، عدوا علينا ! أيوه فين فى ال Pneumonia فى كتاب ال chest كان فى ال pneumonia . Shift to the left لالا .. كانت لل Right هفكر كم .

♥ احنا عندنا ال Neutrophil اللى هيا 50-70% من ال total انا رسمت رسمه كده فى ال pneumonia كانوا نوعين cell كده ال nucleus بتاعتها شكلها ماسوره أو زى الماسوره Rod shape بتسمى Band او staff ودى Segmented كده اسمها Segmented متسمية على شكل ال Nucleus مين من دول Fully mature؟! اللى هيا دى مضبوط (ال Segmented)

ال ratio كام كام : (١:٩٩)**دى وظيفتها ايه ؟!**

تقاوم ال *infection (bacterial infection)* طب اذا واحد جاله *Bacterial infection* وانت عاجز تقاومها بيقى ال *BM* مستعجل ولا ؟ مستعجل واذا استعجل ينزل بكميه كبيره من اللى لسا ماستواش ... تلاقى دا زاد ولا ايه ؟ (ال *band* .. ال *immature*) طب واذا ده زاد بيقى ال *ratio* راح ناحيه دى *shift to the left* ناحيه ال *bands* يعمل *Bandemia* مرض واحد يعمل كده *Bacterial infection*

On the other hand

مفيش غير مرض واحد فى العالم يزود دول اللى هما *segmented* هو ال *Megaloblastic anemia*

ليه ؟ احنا لسا ماخذنهاش بس تفتكر ليه ؟

" طبعا احنا فهمنا هنا ان ال *BM* مستعجل جدا منزلك *cells* لسه ماستوتش يعنى الكفه مالت الناحيه دى يعنى Shift to the left بصرف النظر عن نوع البكتيريا ، بس مش TB ."

فى ال *Megaloblastic anemia* الكفه تروح ناحيه ال *segmented* اشمعنا علشان نقص ال *DNA* لانه محتاج *Vit B12 & Folate* وهنا ببينوا ناقصين فيبينقص ال *DNA* ← *Replication* ببقى ال *cells* اللى *DNA* بتاعها مش عارف ينقسم يحصلها ايه ؟ حجمها يكبر ، عندها وقت فراغ ، بتعانى من فراغ لانها منقسمتش فقاعده فاضية ☹

طبيب يحصل ايه فى ال nucleus بتاعتها ؟

تنقسم الى **multiple segments** بقت كده علشان سبب واحد عندها وقت (علشان متقسمتش بسبب غياب ال DNA بسبب نقص (**folic & B12**)

دا فى ال Megaloblastic يعنى أتوقع لما أروح على درس ال megaloblastic ألاقى shift to the right

بس خلى بالك مش ده اللي بيشخص megaloblastic anemia بس بيساعد**ومش دا اللي بيشخص bacterial infection لكن بيساعد**

الكتاب مكتوب فيه أرقام كتيره جدا لو قلبت الصفحة تلاقى الأمراض اللي بتزود كل حاجه بس بقا الحقيقه دى حته بايخه جدا لأن كلها حفظ أنا عاوزك تعمل الأتى : مكتوب الأمراض اللي تزود ال neutrophil و تقللها وكذلك ال eosinophil وهكذا

الحقيقه المفروض يسأل فى دول فى امتحان ال clinical pathology لأن دا دوره وبيتسأل عندنا ، انت تعمل الأتى :انت تحفظ كل حرف فيه كامل لآخر السنه ده مؤكد وأنا ضد ده لأن دى حاجه مش المفروض تتحفظ دلوقتى بتيجى مع ال practice لكن علشان الحصة اللي جايه ان شاء الله هسمع الحاجات اللي بالتفصيل أوى بس أنا هاقولها .

Neutrophilia : >7500 \ cmm

- فيه physiological : pregnancy
- وفيه أمراض infection , inflammation
- وفيه corticosteroid

Neutropenia: < 2000 \cmm

تحفظ حاجتين :

Aplastic anemia , myelophthic anemia

Eosinophilia:

فيه parasitic , allergy

Eosinopenia:

فيه (ABC) acute infection , burns , corticosteroid

Basophilia:

فيه malignancy , myxedema

Basopenia:

وبتقل كلمه واحده corticosteroid وطبعاً ممكن تقول معاها Cushing لأنه زياده ف الكورتيزول من جوه

Lymphocytosis:

فى اثنين T.B ,viral

Lymphopenia:

وبتنقص ب Cushing , corticosteroid , AIDS

بس يسألك في الامتحان ال lymphoma تزود ولا تقل ؟

قوله الاتنين , فيه أنواع تقل وفيه أنواع تزود

اللى تزود (lymphocytic lymphoma) واللى تقل (Hodgkin's lymphoma)

Monocytosis:

اللى تزود infectious mononeuclosis من اسمها ومتتنشاش T.B ,Typhoid

Monocytopenia:

واللى ينقصها Aplastic anemia

يسألك سؤال : تأثير ال cortisone على ال blood elements ؟

يزود ال neutrophil ويقلل الثلاثة التانيين وملوش تأثير على ال monocyte

يعني لو سألك في الامتحان تأثير ال Cortisone علي RBCS ينقصها ولا يزودها ولا حاحه؟

على ال RBC يعمل polycythemia يعني تلاقى وشه أحمر ودي مؤكده .

طبيب لو قلت platelets نقصها بيعمل Thrombocytopenia ولو زادت بتعمل Thrombocytosis .

ANEMIA

يتفضل عندي بعد كده اتكلم عن ال Anemia لو بتكلم بسرعه وقفني لأنني كنت بتكلم عن ال INDICES أرقام ، نيجي بقي لل Definition بتاع ال Anemia نقص ٣ حاجات Hb , RBCS , HCV وده بيتنقص فبيتنقص Oxygen carrying capacity of the blood .

هو لما ينقص HB وبيقي Anemia يعني نقص الشبال اللي بيشيل الأوكسجين ومش هيجي ديلفري بيبقي الأوكسجين يقل والعيان يعاني ١٠٠% من Tissue hypoxia مش عيب lung ال lung سليمة، مش عيب heart ال heart سليم . بيعانوا لأن ال Hb ناقص ربنا سبحانه وتعالى خلقنا عندنا القدره ال لما يحصل مشكله الجسم يصلح .

Compensatory mechanism for anemia oral سؤال

دي تمشي مع العقل وفي حاجه لازم ترجع بيها للذاكره الفسيولوجي ال انت ما اخدتوش في أولي وتانيه ☺ .. القصه كالاتي :

١ . يزود ال plasma volume :

دي غريبه جدا .. فكرتها ايه ؟ هو مشكله plasma لأ خالص بس هيزودها ليه؟ هقولك ازاى وبعدين اقولك ليه ..

الدم هنا hypoxic ولا لأ مغيث O2 يلف كده يروح للكلية تحس hypoxic تطلع renin يطلع Aldosterone يعمل salt and water retention فايدته ايه ؟ يرفع الضغط عشان يحسن tissue perfusion يعوض شويه نقص ال O2 يعني يدخلك الدم لل organ بتاعك بضغط أعلى شويه عشان يعوض نقص ال O2 فكره مش دقيقه اوي بس أهى محاوله .. ممكن يجيله edema بسبب . Na and H2o retention

٢. الكلية لما تحس hypoxic تطلع Erythropoietin :

يروح ال B.M يصلح ويعوض ال Anemia الموجوده .

3. أهم واحده : Increase delivery of O2 to tissues

الشيايل ناقص حاول انت بطريقه معينه والشيايلين ناقصين توصل O2 احسن لل Tissues :

- زود كفاءه القلب .. يعني زود CO .. بيزيد ليه هنا ؟
- أولا hypoxia ممكن جدا تعمل sympathetic stimulation تجري ال HR .
- ممكن مع ال hypoxia تعمل VD ، لأنك شغلت anaerobic فيطلع lactic و pyruvic بيعملوا VD.

وانت لما تجري HR يبقى زودت CO ولا ايه ؟ هو ال CO بيشمل ال HR .. اه Stroke volume .. ما برده ال sympathetic زودت ال HR زودت ال Stroke Volume فزاد ال CO

تصور انت بقي القلب بيطلع CO وفي سبب كمان نقص viscosity معناه ان ال circulation سريعه فال VR أعلى فيطلع CO عالي .

تصور انت بقي العيان ده : القلب بيوزع كثير والطريق مفتوح يبقى انت بتحاول توصل لل tissues احسن فيتحسن ال perfusion بتاع ال tissues من ال O2

- وكمان حاجه من الفسيولوجي بتاع اولي وتانيه نقص affinity of Hb to O2 انت لما تكون الشيايل شاييل O2 وبيلف يدي قلب ومخ وكذا وكذا وبعدين جيت انت عملت مجاعة anemia وهو شاييل كميه .

رأيك يعني عايز ال Hemoglobin لما يروح لل organ يبقى مكليش في ال O2 ولا يسويه بسهولة ؟

يسويه طبعاً، فأنا مش عايز الشيايل هو اللي يكلش .


بقي انت عايز ال affinity of hemoglobin مسكته في ال O2 تقل.

ازااااي؟! !

القصة كالاتي :-

العيان ده عنده hypoxia يعني deoxygenated Hb فيزيد 2,3DPG (2,3 Di- phosphor glycerate) فيخلي ال affinity of Hb لل O2 تقل لأنه بي Shift dissociation curve to the right

اللي بيعمل كده تراكم 2,3DPG ودي فائدة ممتازة بتخلي ال Hb لما يروح لل tissue بتسيب بسهولة .



وقفنا عند ال Compensatory mechanism of anemia، النهارده في سؤال ثاني لا يقل أهميه عن أعراض الأنيميا وهو

ماهي العوامل التي تعتمد عليها ال Severity of symptoms ؟!

يعنى عندنا اثنين مرضى واحد ال symptoms بتاعته sever والثاني symptoms ال بتاعته mild ليه ؟

بتعتمد على عدة عوامل :

1. Severity Of anemia:

ازاي ؟!

لو عندنا اثنين مرضى واحد A والثاني B والمفروض ال average of Hb حوالي ١٥

المرضى A ال بتاعه ٩، والمرضى B ال بتاعه ٤ .. هل الأعراض لهما هتكون زي بعض ؟! اكيد لا

يبقى كل ما تنقص نسبة ال Hb في الدم كل ما يبقى more sever

2. Speed of onset:

في اثنين مرضى لهم نفس ال Hb وليكن ٦ ، بس الاول نزل ل ٦ خلال أيام والثاني نزل ل ٦ خلال شهور ..

هل هيقوا زي بعض ؟

أكيد لا .. لأن الثاني عنده وقت كافي انه يعمل compensatory mechanism اللي تصلح له شوية.

3. Senility:

يعنى لما تيجي الأنيميا في سن حاجه وعشرين سنة غير لما تيجي في سن حاجه و سبعين سنة، لأن السن الكبير معناه انه بدأ يدخل في atherosclerosis اللي بياثر على القلب.

طيب هو انت محتاج القلب في ال compensatory mechanism ؟

اه طبعا لأن القلب هو اللي بيديك ال CO فكل ما تكبر كل ما اعتمادك على القلب يقل، فيبقى السن الكبير مش في صالحه.

CLASSIFICATION OF ANEMIA:

بعد كده هناخد صفحه اعتبرها فهرس للكتاب اللي هي Classification of anemia، ودي بتتقسم تقسيمتين واحده على حسب ال Etiology والتانيه على حسب ال Morphology.

يعني ايه الاسباب اللي تجيب انيميا؟

- نمرة واحد نقص فى الانتاج.
 - نمرة اتنين فى انتاج لكن بيحصل **loss**، طيب بيقد ايه؟
- بيقد عمر ال RBCs يعني بتموت قبل الاوان ..يبقى عندك ال bone marrow شغال، لكن فى نفس الوقت ال RBCs بتتكسر

النوع ده من الانيميا سببه ال *hemolysis*، واسمه ال *hemolytic anemia*

الأنيميا التكسيريه دي من أهم دروس الكتاب كله وهعيد حاجات انت أخذتها فى الأطفال بس بصوره مختلفه شوية

- نمرة تلاته أنيميا بسبب فقد دم واحد ماشى فى الشارع عمل حادثه نزف اسمها **post hemorrhagic anemia**

1. Decreased red cell production:

واحنا اتفقنا اول حصه ان الانتاج بيتعطل لو حصل عيب فى ال maturation او عيب فى ال proliferation

○ العيب فى ال maturation اسمه **Dys hematopoietic anemia**

والعيب فى ال proliferation اسمه hypoproliferative anemia

هتحفظ دول لحد ما ناخذهم ان شاء الله

نقصد بال hypoproliferative بعيب فى ال bone marrow

ال bone marrow مش عارف ينقسم إلى blood cells

اللي هي Aplastic anemia = bone marrow failure = myelopathic anemia = bone marrow infiltration

وده غالبا فيه organ failure

طيب ليه بقى؟

لان اهم 2 organs هم ال liver and kidneys لما يتاثروا هيكون فى سموم فى الدم تعمل inhibition for bone marrow

الاهم من كده بقى ال kidney لما تتاثر هيقول افراز ال erythropoietin

وكمان الكبد هياثر فى افرازه لانه بيشارك فى افرازه بنسبة 15% لكن الكليه تفرز بنسبة 85%

وايضا ال endocrinal organ failure له تاثير

طبيب ايه هي ال *endocrinal organs* اللي لها دور في تصنيع الدم

ال *thyroid* طبعا وال *adrenal gland* بتطلع *androgen and cortisone*

دول كلهم لو وقعوا يقع تصنيع ال *RBCs*

وفي نوع زياده اكتبه في الكتاب تحت عنوان ال hypoproliferative ضيف معاهم لو سمحت ال Anemia of chronic disease

دي اشهر ثاني نوع انيميا بعد ال iron deficiency anemia

كل ده فهرس الكتاب اللي هتاخده ان شاء الله

بعدين في عيب في ال **maturation** الخلايا مش عارفه تبقي mature

الخلايا علشان تطور او بالبلدي او علشان تستوي لازم مواد خام تكون موجوده جوه ال bone marrow

محتاج iron و Folic acid و B12

فلو نقص حاجه من الحاجات دي يقع ال maturation بتاع الخلايا

وفي حاجه اسمها **MDs**

بس ده سؤال مش بكالوريوس ولا ماجستير حتي ده سؤال دكتوراه

لكن ما دام هحطها بيبقي لازم تعرف كلمتين عنها بس في درس قدام

اجلها بس لو سمحت دلوقتي عايزك تعرف النهارده بس يعني ايه اختصار ال **MDs** يعني **myelodysplastic syndrome**

هو احنا اخدنا ان ال *myeloplastic* دي متعلقه بال **TB** بس؟

لا اي حاجه فيها **infiltration** تبقي اسمها **myelodysplastic syndrome**

عايزك تعرف النهارده كلمه واحده بس ان ده عيب **maturation** يعني الخلايا مش عارفه تستوي

كوبس ازاي بقي اجلها شويه

و زود برضو تحت عنوان نقص ال **maturation** زود كلمه **sidroblastic anemia** هتلاقىها مكتوبه تحت عندك في الكتاب

طبيب بيبقي دي الاسباب بيبقي مطلوب مننا الحصيتين الجايبين ندرس كل ده اكيد لو لينا عمر

في تقسيمه ثانيه علي حسب ال **morphology**

لما نقول morphology بيبقي بتقيس ايه؟

اللون والحجم اللي هي blood indices اللي هي MCV و ال MCHC

في انيميا حجم الخلايا فيها صغيره تسمى **Microcytic anemia** ودي اربع حاجات احفظهم كده لحد ما ناخذهم ان شاء الله

Iron deficiency anemia

Anemia of chronic disease

Thalassemia

Sidroblastic anemia

وفي انيميا حجم الخلايا فيها طبيعي اسمها **Normocytic anemia** وهي :

Aplastic anemia

Myelodysplastic anemia

Hemolytic anemia

Acute post hemorrhagic anemia

ومعاهم ال **Anemia of chronic disease**

Anemia of organ failure

حد يعترض ويقول ازاي ال Anemia of chronic disease مكتوبه هنا وهنا

لما ناخذها ان شاء الله هووضح لكم

طبيب مين الاشهر انها تبقى Normocytic ولا Microcytic

بصراحه انا مش عارف

وطالما انا مش عارف بيفي اي كلام هتقوله صح

بعض الناس بتقول انها اشهر Normocytic اسمع من هنا وطلع من هنا .

تالت حاجه انيميا حجم الخلايا فيها كبير اسمها **Macrocytic anemia**

اللي هي **megaloplastic anemia** اللي هي بسبب نقص ال B12 او نقص ال Folic acid

وهتعرف ان شاء الله ليه نقصهم بيكبر حجم الخلايا بس مش دلوقتي

الخلايا بتكبر علشان مش بتلحق تنقسم بس اجلها شويه

وفي حاجات ثانيه اقل اهميه زي **alcoholic**

مش معناه بيشرب كاس كاسين يوم او يومين اسبوع او اسبوعين لا

طبعاً ده يعد سنين طويله

ليه بقي؟

لان لما تاخذ ان شاء الله درس ال alcohol هتعرف انه ب inhibit the Folic acid ازاي اجلها شويه

طبيب كمان ال **liver cirrhosis** هتاخده انه بيقال ال storage of B12 and Folic acid

وكم ان ال **Myxodema** ده عيب امتصاص لل B12 and Folic acid

يبقى يتبقى عندي كلمتين افضل تجاوبهم انت

ليه ال reticulocytosis وال mylodysplastic syndrome بيكون حجم الخلايا فيهم كبيره؟

لان ال **myeloplastic** لسه قابل انها عيب **maturation**

وال **reticulocyte** دي خلايا **mature** ولا **non mature**؟

Non mature

والخلايا ال **non mature** دي حجمها كبير ولا صغير؟

كبير

يبقى الاتنين دول اتفقوا في كلمه واحده ان مافيش **maturation** يعني الخلايا مش استوت اوي

يبقى حجمها اكيد كبير

يبقى تحفظ الصفحه دي زي اسمك بالظبط

وهندرسها ان شاء الله في الدروس الجايه

MANIFESTATION OF ANEMIA

(1)General :

معناها clinical picture بصرف النظر عن نوع ال anemia

(2)Specific:

بيعرفني نوع ال anemia.

يعني مثلا :- لو عيان عنده stampa بتاع ال anemia in general معاها كمان عينه صفرا وال spleen كبير وعنده gall stones
Hemolytic Anemia. leg ulcers & تبقى

لو قولتلك مع ال stampa عنده كمان spooning nail تبقى Iron deficiency Anemia.

ايه المشاكل اللي لما اسمعها أقول ان العيان ده عنده Anemia؟؟

Symptoms

(1) General:

Fatigue: •

بيشتكي من اجهاد

الكلام ده بيلف ويدور حول hypoxia يعني مفيش O2 واصل كفايه لل organ.

Lassitude:

معناها fatigue من غير مجهود.

Growth Stunted:

طفل مش هيكبر بسبب chronic hypoxia.

(٢) CVS

Pericitation of angina:

مره قبل كده قولنا ان ال anemia يعني quality

Pericitation factors & cause to HF:

pericipitate angina & HF. ← high c.o.p HF hyperdynamic circulation كانت Anemia لأن ال

*طب اذا عملت pericipitation of angina يبقى عملت ischemia علي القلب.

Intermittent claudication:

qualitative ischemia علي العضلات .

Palpitation & Exertion Dyspnea:

ويمكن تعمل palpitation ... ليه ؟؟؟

بسبب Tachycardia

هتلاقي بعد شويه tachycardia لأن ال hypoxia بتجري القلب وعلشان عنده high C.O.P ففيه force قويه فييحس بدقات قلبه ...

ال **Dyspnea** شوف بقي:

ال **dyspnea** عدت علينا في أول درس في كتاب ال chest .. كان من ضمن أسبابها (shock , hemorrhage, acidosis) ملناش دعوه بدول ...

كان في anemia ... له ال anemia بتخلي العيان ينهج؟؟

قلبه سليم وال chest سليم ... أهم سببين للنهجان قلب وصدر سليم ... معندوش حاجه فيهم ..

ده مرض دم (دم ناقص) ينهج ليه؟؟

1- ال **hypoxia** بتنشط **respiratory system** .

2- ال **hypoxia** دي معناها ال **O2** ناقص لعضلات رحله <<< طب ما جابتله **intermittent claudication** <<< طب ما زي ما ال **O2** ناقص لعضلات رحله ,, ناقص كمان لعضلات التنفس (**diaphragm & res.muscle**)

فكفاءة عضلات التنفس بتقل فيينهج (**weak respiratory muscle**)

(3)Neurological:

Low C.O.P:

Syncope, blurring of vision ,dizziness, headache.

طب هنا **low c.o.p**؟؟ دا بالعكس .. دا هنا **high c.o.p** .. طب ازاي وهو عنده **high c.o.p** وهو شبه ال **low c.o.p**؟؟

بسبب **tissue hypoxia**

Numbness & tingling of feet & hand:

وبجيلة شكشكه وتنميل في دراعه .

شكشكه وتنميل يعني بنوصفها علميا انها شكوي مش مرض ..

(numbness & tingling) ————— (parastethia)

طب ال parastethia سببها هنا نقص O2 لل vasanervosa اللي هي ايه؟؟
ال vessels اللي بتغذي ال nerves <<< فال nerves تعاني ..

(4)Genital:

ويمكن تلاقى شوية hypoxia علي genital organ .

Female: menesterual irrugaritis.

Male : Impotence (erectile dysfunction) due to hypoxia .

كل ده تأثيره علي الجسم كله ...

بس خلي بالك :

افتكر لو بتشتغل في أي case لو واحد بينهج dyspnea يبقى chest أو heart.....
لو ال heart سليم وال chest سليم يبقى general (غالبا anemia ومعها بقية الحاجات)
نفحص العيان

(خلي بالك دا كله stampa بصرف النظر عن نوع ال anemia)

Signs

(1)Pallor:

Examine بقي ... تشوفه شاحب (pallor) زي اللي شوفناه بالطبط في ال COPD ..مضبوط ؟ مضبوط؟؟
غلط طبعااا..

Remember:

مفيش pallor في ال COPD

Pallor يبقى anemia زي اللي في ال .. chest infection & malignancy

هتشوفه فين؟؟ في العين لما تغلب الجفن في ال *conjunctiva, mm of the mouth, palmar creases, nail fold...*

أسهل طريقه هات ايده جنب ايدك وقارن طبعا باعتبار ان انت طبيعي << هتلاقى عنده *.syncope*

(2)Odema of LL:

مش common في عيائين ال anemia..

1-salt & water retention :

نادره

2- Hypoxia :

شوف أنا هقولك :- ال hypoxia معناها ان ال O2 مش واصل لكل حتته في الجسم included ال capillary wall لدرجة capillary hypoxia فيبيدي يفوت فيبيدي capillary permeability لأنه بينشع ...

Remember:

أن اللي بتخلي جدار ال capillary يضعف حاجتين :-

يا اما hypoxia يا اما toxic....

هنا hypoxia..

3-Anemic HF:

كمان من ضمن أسباب ال oedema أنه يروح علي anemic HF وال HF بيعمل oedema..

حضر دايما للأمتحان أسباب ال HF؟؟

ولو واحد **anemic** وصلت بيه الدرجه انه يروح علي **HF** بسميه **Anemic HF** يعني **HF due to anemia** ... مش **pericipitating factor** بس ولكن **cause** كمان ... ساعتها تعمل ايه؟؟

تعالج السبب ..

هتعالج ال **HF** الموجود **symptomatic** وهتعالج ال **anemia**....

لكن في حاجه **solid** لازم تتعمل وهي ان لازم يأخذ نقل دم **(blood transfusion),(packed RBCs)** لأن ده واحد من الدواعي انه يروح علي **HF**.

يعني مش كل عيان **anemia** بيكون محتاج انه يأخذ **packed RBCs** ..

❖ من أهم الحاجات في الصفحه دي ان ال patient يجيله CVS signs تحت عنوان :-

(3)Hyper dynamic circulation:

Pulse:

Tachycardia & Big pulse volume.

- مره قبل كده أخذنا ان ال pulse volume في ال HF بيكون small الا لو عنده hyperdynamic circulation لأن بيبقي في فرق بين ال systolic وال diastolic...
- ال systolic بيزيد أوي بسبب زيادة ال C.O.P ،،، وال diastolic بيقل أوي بسبب V.D فيزيد ال pulse volume ..
- هنا ال pulse volume قوي لدرجة انه يعمل water hammer pulse (بيكون مع ال aortic regarge)

Heart Faliure:

هلاقي عنده signs of HF وبعدين تسمع auscultation :-

1-Accentuated S1:

مره قبل كده في ال arrhythmia قولنا ان ال S1 بيزيد في ال tachycardia (كل أنواع ال tachycardia) لأن ال valve بتقفل من مكان بعيد ..

(Tachycardia is the most common cause of accentuated S1)

2-S3:

هتسمع S3 في نص ال diastole ... يعني بتاع رعدة ال muscle سواء flappy أو volume overload ..

3- Hemic murmer: (functional murmer)

يعني murmer وال valve سليم بيسموه (innocent murmer) يعني murmer بريء << يعني العيب مش في valve ضيق ولكن العيب في دم كثير (hyper dynamic circulation) يعني (volume overload) ..

اعرف الآتي :-

دم كثير معدي علي valve سليم:

أصبح ال valve كأنه ضيق — اسمها علميا (flow across valve) ..

طب ال valve سليم ... مفيهوش حاجه ... يبقى (functional murmer)

أخذتوا في ال clinical جدول يفرق بين ال . functional murmer & organic murmer

من ضمن الفروقات :

في ال organic لما تشيل السماعه تحط إيدك تحس thrill .

بس خلي بالك :

منخرج بره الموضوع :

في امتحان ال clinical :

يقولك ال organic murmer معاه thrill ؟ صح .

وال functional لا يمكن يبقى معاه thrill

بس كل حاجه لها إستثناءات :

Organic murmer واحد استحالته يبقى له thrill

مين المرض ال valvular lesion اللي organic رسمي وال valve مدمره بس استحالته تحس thrill؟؟

هو ال murmer ال organic اللي طبيعته بالسماعه صعب جدا يتسمع :

Aortic Regurge (صعب أوي يتسمع ← مش بشخصه بالسماعه ولكن بشخصه بال (peripheral signs)

مين ال *functional murmur* الوحيد اللي في بعض الأحيان ممكن يعمل *thrill* لأن صوته عالي جدا جدا؟؟

هو أشهر *valvular functional murmur* :

← *Tri cuspid Regurge* من كتر قوته في بعض الأحيان ممكن تحسله *thrill*.

طب نرجع تاني :

ال *murmur* بتاع ال *anemia* ده *functional* لأن ال *valve* سليم .

أوصافه ايه؟؟

١ - *systolic* مش *diastolic* ————— *systolic ejection* ————— بيتسمع علي كل القلب بس *commonly* (أكثر وضوحا)
علي ال *base* أكثر من ال *apex* .

بس ال *base* اتنين ————— *(Aortic & Pulmonary)* ————— بيتسمع أكثر علي ال *pulmonary* .